

Ֆրանկ Բրեննան
Թարգմ.՝ Վիկա Մարկոսյան, Նելլի Հարությունյան

«Հատուկ մրգային տորթ»

Ես երբեք չէի մտածի, որ պատահմամբ այսպիսի ապշեցուցիչ բան կհայտնաբերեմ: Երբ այդ դեպքը պատահեց, ես քիմիկոս էի աշխատում ԱՄՆ-ի Նյու Ջերսի նահանգում՝ Amos Cosmetics օժանելիքի գործարանում, և փորձում էի նոր օժանելիք ստեղծել:

Ես ինչպես միշտ փորձում էի ծաղիկների, բույրերի բոլոր խառնուրդները, և որոշեցի մորս, իմ նախաճաշի համար դրված, մրգային տորթից մի կտոր գցել ստեղծվող օժանելիքի խառնուրդի մեջ:

Ես չգիտեմ, թե ինչու որոշեցի այդպես անել... Պարագապես արեցի:

Ես այն խառնեցի բոլոր մյուս բաղադրիչների հետ:

Քիչ հետո այդ խառնուրդից ստացվեց փոքր շշով մի օժանելիք: Փորձելու համար դրանից մի քիչ դաստակիս քսեցի: Ինձ թվաց որ լավ է բուրում, բայց ոչ մի առանձնահատուկ բան չկար, այսպիսով ես այն դրեցի պայուսակիս մեջ: Չէի կարող այն, որպես նորույթ ներկայացնել իմ տնօրենին: Ի վերջո ես քիմիկոս եմ և իմ աշխատանքը ինչպես հարկն է օժանելիք ստեղծելն է: Իսկ եթե ես նրան ասեի, թե ինչպես եմ ստեղծել այդ օժանելիքը, նա պարզապես ինձ խորհուրդ կտար հիմար չլինել: Հետո, հավանաբար, այդ պատմությունը որպես զվարճալի դեպք գովի ակումբում կպատմեր իր ընկերներին:

Ահա այսպիսի մարդ էր իմ տնօրենը:

-Աննա,- իմ տնօրենն էր Դեյվիդ Էյմոսը, Amos Cosmetics ընկերության տնօրենը: Նա պատահմամբ անցնում էր այնտեղով, որտեղ ես աշխատում էի: Նա սովորաբար իմ դիրքի հասարակ աշխատողների հետ չէր զրուցում: Ուրեմն՝ ի՞նչ էր ուզում նա: Նյարդայնացա:

-Այո, միստր Էյմոս,- ասացի ես:

- Այսօր դու ցնցող տեսք ունես, Աննա: Այդ ինչ հաճելի բուրմունք է: Կարծես՝ թարմ հացի, ծաղիկների ու արևի շողերի խառնուրդ լինի... Չգիտեմ... Քո՞ օժանելիքն է: Ես չհասկացա, թե նա ինչի մասին էր խոսում: Ես ոչ մի հատուկ բուրմունք չէի զգում, մինչդեռ միստր Էյմոսը օժանելիքների հարցում փորձառու հոտառություն ուներ:

-Այո, քո օժանելիքն է,- ասաց նա բարձրաձայն: Կողքիս գտնվող բոլոր աշխատողները լսեցին: Շփոթեցնող էր:

Նախկինում ես երբեք չէի լսել, որ իմ կամ ուրիշ մի աշխատողի հետ իմ տնօրենը այդպես խոսեր: Դեյվիդ Էյմոսը թուխ մաշկով, գեղեցիկ անզլիացի տղա էր, ով երբեք չէր էլ մտածի իմ պես հասարակ աղջիկներին հաճոյախոսություններ անելու մասին: Նա ավելի շուտ նախընտրում էր լինել գեղեցիկ, երիտասարդ մոդելների հետ, ովքեր գերադասում էին իր արտաքինն ու փողերը: Իսկ աշխատակիցների հետ զրույցի ընթացքում նա սովորաբար դժգոհում էր ինչ-որ բանից: Կարծում եմ՝ այսօր նա ինչ-որ կատարել է անում:

Հանկարծ նա եկավ ու կողքիս կանգնեց: Նա խոսում էր հանգիստ ձայնով, ուղիղ ականջիս մեջ:

-Գիտե՞ս Աննա, ես իսկապես չէի նկատել... Չգտեմ, թե ինչու, բայց դու իսկապես գեղեցիկ կին ես:

-Միստր Էյմուս...,- ես փորձում էի պատասխանել նրան, բայց չգիտեի ինչ ասել:

-Ոչ, ճիշտ եմ ասում, Աննա, ես ուզում եմ տեսնել քեզ այս ձանձրալի գործարանից դուրս: Կճաշե՞ս ինձ հետ այսօր երեկոյան:

-Լավ, ես...,-եւ չափազանց շփոթված էի, որպեսզի ինչպես հարկն է պատասխանեի:

-Հոյակապ է, ուրեմն՝ այսօր ժամը ութին ձեր տան մոտ կսպասեմ քեզ: Դե... մինչ հանդիպում,- ասաց նա:

Ավտոբուսով տուն գնալիս ես մտածում էի ստեղծված տարօրինակ իրավիճակի մասին: Իմ տնօրենը, ով հայտնի է գեղեցիկ կանանց հետ իր հանդիպումներով, հիմա ասում է, որ ես գեղեցիկ եմ և ինչ-որ տեղ է հրավիրում: Չնայած՝ ես գիտեի, որ սովորական, հասարակ տեսք ունեմ և բոլորովին իր ճաշակին չեմ: Երբ ես տուն հասա մայրս հույրասենյակում գրուցում էր իմ մորաքույր Միմիի հետ:

Մորաքույր Միմին: Ես սիրում եմ նրան, իսկ նա սիրում է ուրիշի գործերով զբաղվել: Նա վաղուց ցանկանում է, որ ես ամուսին գտնեմ: Եվ նրան բնավ դուրս չի գալիս, որ ես զբաղվում եմ իմ կարիերայով: Նա կարծում էր, որ նորմալ չէ, որ «իմ պես քսանյոթ տարեկան կինը դեռ ամուսնացած չէ»: Մորաքույր Միմին կարծում էր, որ նա կարող է ինձ համար ամուսին գտնել: Ես արդեն սովոր էի այդ տեսակ խոսակցություններին, բայց բոլոր դեպքերում՝ անհարմար էր:

-Այնքան հաճելի է Ձեզ այստեղ տեսնելը, մորաքույր Միմի:

Մորաքույր Միմին նայեց ինձ և ժպտալով ասաց.

-Աննա, իմ փոքրիկ աղջիկ, բայց տես, որ դու արդեն այն փոքրիկ աղջիկը չես: Դու արդեն քսաներեք տարեկան կին ես: Ինչպե՞ս է թոչում ժամանակը...

- Իրականում ես քսանյոթ տարեկան եմ, մորաքույր,- ասացի ես:

Նա միշտ շփոթում է իմ տարիքը:

- Այդքան շո՞ւտ: Եվ դու դեռ ամուսնացած չես... Մայրդ ամուսնացավ տասնութ տարեկանում և դու ծնվեցիր, երբ նա տասնինը տարեկան էր:

Մորաքույր Միմին տխրեց: Ինչպես միշտ նա որոշել էր ասել այն, ինչ մտածում է:

- Ուրեմն ե՞րբ ես պատրաստվում մի գեղեցիկ տղայի տուն բերել,- ասաց նա ուղիղ աչքերիս մեջ նայելով:

- Մի տղա կար, Արմսթրոնգը, երկու տարի առաջ դու հանդիպում էիր նրա հետ: Նա գեղեցիկ էր,- ասաց մայրս, փորձելով օգնել ինձ:

-Մամ, Արմսթրոնգը ընդամենը պիցցայի առաքիչ էր,- փորձեցի բացատրել նրան, բայց նա չլսեց ինձ:

-Արմսթրոնգը մի քանի անգամ մեր տուն է եկել, ես նրան հավանում էի,- ասաց մայրս:

-Մամ,- ասացի,- բայց դա այն ժամանակ էր, երբ մեր ջեռոցը փչացել էր, հիշո՞ւմ ես:

Մենք գրեթե մեկ շաբաթ անընդհատ պիցցա պատվիրեցինք, մինչև ջեռոցը սարքվեց:

Արմսթրոնգն էլ պարզապես պիցցան էր առաքում:

-Միևնույն է,- ասաց մայրս,- ես հավանում էի նրան, գեղեցիկ աչքեր ուներ:

Մորաքույր Միմիի աչքերը զարմանքից լայնացան:

-Ուզում ես ասել, որ դու թողեցիր, որ այդ տղան հեռանա՞ :

-Բայց նա ընդամենը պիցցայի առաքիչ էր,- անտարբերությամբ ասացի ես:

- Դա այն ժամանակ, իսկ հիմա հավանաբար նա այդ ընկերության տնօրենն է,- ասաց մորաքույր Միմին,- և դու թողեցիր, որ նա հեռանա:

Վիճելն անիմաստ էր: Գիտեի, որ ինչ էլ ասեմ, ինձ չեն լսելու: Որոշեցի փոխել թեման:

- Մրգային տորթն էլ լավն էր, մամ:
- Հա, մորաքույր Միմին էր բերել: Բայց թեման փոխելու փոխարեն լսիր մորաքույր Միմին, նա քեզ բան ունի ասելու:
- «Օ՛ ոչ: Նա էլի փորձել է ինձ հարմար ամուսին գտնել»:
- Եվ մորաքույր Միմին սկսեց.
- Աննա, ես քեզ համար մի կատարյալ տղա եմ գտել: Ճիշտն ասած՝ նա այդքան էլ երիտասարդ չէ, ինչպես և դու, բայց դեռ ճաղատ էլ չէ:
- Ես որոշեցի այս ամենին վերջակետ դնել, որովհետև չէի ուզում հանդիպել մորաքույր Միմի «տղային», նույնիսկ եթե նա իր սեփական մազերը ունի:
- Շնորհակալ եմ, մորաքույր,- ասացի ես,- բայց ես այսօր երեկոյան հանդիպելու եմ մեկի հետ:
- Ես բնավ չէի ուզում նրանց պատմել կատարվածի մասին, պարզապես ասացի դա մորաքույր Միմին լռեցնելու համար: Դրանից նրանք, իհարկե, անակնկալի եկան: Նրանք ինձ էին նայում ձկների պես բաց աչքերով ու բերաններով:
- Այո,- շարունակեցի ես,- Այսօր հանդիպելու եմ իմ տնօրեն միստր Էյմուսի հետ: Ժամը ութին նա գալու է իմ ետևից:
- Դա, անշուշտ, զարմացրեց նրանց:

* * *

Մայրս ու մորաքույր Միմին գոհ էին: Նրանք արդեն հարսանիքի պլաններն էին մշակում, ու ինձ թողել էին պատրաստվելու հանդիպմանը նրա հետ, ով ապագայում կարող էր իմ ամուսինը լինել: Ես փոշմանեցի, որ այդ մասին պատմել եմ նրանց: Ի վերջո ես գաղափար անգամ չունեի, թե ինչու է իմ տնօրենը իրեն այդպես պահում: Առաջ նա նույնիսկ չէր էլ նկատում ինձ: Ու հանկարծ այսօր նկատեց իմ օգտագործած օձանելիքի բույրը: Վերջերս ես օգտագործում եմ «Intrigue» անունով օձանելիք: Այն արտադրված է մեկ այլ օձանելիքի ընկերության կողմից, և ես իսկապես նախընտրում էի այն օձանելիքները, որոնք մեր ընկերության կողմից չեն արտադրված:

Միստր Էյմուսը օձանելիքների նկատմամբ շատ լավ հոտառություն ուներ: Մի գուցե «Intrigue»-ն այնքան լավն էր, որ նա չէր կարողացել զսպել իրեն... Ով գիտի:

Բոլոր դեպքերում, ես պիտի պատրաստվեի երեկոյան հանդիպմանը: Չնայած՝ չէի կարողանում հասկանալ՝ ինչու միստր Էյմուսը հանկարծ որոշեց, որ ես գրավիչ եմ: Եթե ինձ հարցնեն, ապա ես այնքան վատն եմ, որքան կարծում է մորաքույր Միմին: Չավեշտալին այն է, որ միստր Էյմուսի նման տղամարդիկ իսկապես ինձ դուր չէին գալիս, բայց ես ուզում էի պարզել՝ ինչը նրան ստիպեց փոխվել:

Այսպիսով, ես հագա իմ լավագույն սև զգեստը, իմ միակ բարձրակրունկ կոշիկը և շատ «Intrigue» օձանելիք ցանեցի: Պայուսակը, որ ես օգտագործում եմ աշխատանքի գնալիս միակն էր, որ ես ունեի, քանի որ այդքան հաճախ այլ առիթներով դուրս չէի գալիս: Ես վերցրեցի այն ու հանկարծ լսեցի դռան զանգը:

Երբ դռան մոտ հասա մայրս և մորաքույր Միմին արդեն այնտեղ էին: Նրանք ուզում էին տեսնել իմ ընտրությունը: Երկուսով փորձում էին շտապեցնել ինձ: Ժպտում էին: Ես բացեցի դուռը:

- Բարև Աննա:

Միստր Էյմուսն էր: Նա շատ գեղեցիկ տեսք ուներ: Առաջվանից շատ ավելի հանգիստ էր, աչքերը հառել էր հատակին: Մայրս ու մորաքույրս կանգնած էին իմ հետևում: Կարելի է ասել, որ Էյմուսը նրանց դուր եկավ: Անհարմար իրավիճակ էր ստեղծվել:

- Ողջուն, միստր Էյմոս,-ասացի ես: Ակնկալում էի, որ նա ընկերական ինչ-որ բան կասի, ինչպես օրինակ «Ինձ Դեյվիդ ասա» կամ մի ուրիշ բան, բայց չասաց: Առանց որևէ անհանգստության ես հաջողացրի նրան հեռացնել մայրիկից և մորաքույր Միմիից: Հասկացա՝ նրանք մտածում էին, որ մենք պետք է մենակ մնանք, և հույս ունեին ապագայում լսել մեր հարսանիքի մասին:

Դեյվիդ Էյմոսը համարյա ոչինչ չասաց մեքենայում բացի մի քանի քաղաքավարի հաճոյախոսություններից այն մասին, որ ես գեղեցիկ եմ: Կարող եմ ասել, որ նա բնավ դա ի նկատի չունեի: Տղամարդիկ մի ինչ-որ ձև ունեն ասելու, որ դու գեղեցիկ ես, երբ իրականում նրանց համար միևնույն է, թե ինչպիսին ես դու:

Ինչևէ, նա ինձ տարավ մի թանկ ֆրանսիական ռեստորան, որտեղ մենք ժամանակ անցկացրինք խմիչք ու ուտելիք պատվիրելով: Ամբողջ խոսակցությունը կրում էր քաղաքավարի բնույթ, բայց ես զգում էի, որ նա պատրաստվում է ինչ-որ բան ասել: Հետո նրա դեմքը լուրջ արտահայտություն ստացավ:

-Լսիր Աննա,- սկսեց նա:

Ես գիտեի, նա միտքը փոխել էր և փորձում էր ինչ-որ պատճառաբանություն գտնել այդ երեկոյի համար:

-Այսօր գործարանում... Ես չգիտեմ՝ ինչու այդպես պահեցի ինձ:

- Կարծում եմ՝ այն պատճառով, որ Դուք կարծում էք, թե ես գրավիչ եմ: Եվ որովհետև հավանեցիք իմ օժանդակքը,- ասացի ես, զարմանալով, թե ինչու իմ «Intrigue»-ն ոչ մի ազդեցություն չթողեց նրա վրա:

Բայց ակնհայտ էր, որ նա չէր լսում էր ինձ:

- Լսիր Աննա,- շարունակեց նա,- եթե մենք այս հանդիպումը համարենք որպես... որպես...

- Որպես ի՞նչ միստր Էյմոս:

Նա հանկարծ կեղծ ժպտաց:

-Որպես պարզևատրում գործարանի քո լավ աշխատանքի համար: Ի վերջո դու ամենալավ քիմիկներից մեկն ես: Սա ամենաքիչն է, որ ես կարող եմ անել ցույց տալու համար, թե որքան եմ գնահատում քո ջանքերը: Ճաշը իմ հաշվին է, ես կվճարեմ:

Եթե ճաշը բերած լինեին ես այն կնետեի ուղիղ Էյմոսի վրա: Ուրեմն՝ նա փոխել էր իր կարծիքը և ուզում էր ազատվել ինձնից: Ես չէի ուզում հավատալ, որ այս ճաշը լավ քիմիկոս լինելու համար իմ պարզևատրումն է: Ինձ անհրաժեշտ էր մենակ մնալ, որպեսզի մտածեմ, թե ինչ պիտի անեմ:

-Ներեցեք միստր Էյմոս, մեկ րոպե- ասացի ես վեր կենալով:

-Իհարկե,- ասաց նա նայելով ինձ առաջվանից ավելի հանգիստ տեսքով:

Ես գնացի հարդարման սենյակ: Ուզում էի կոտրել կահույքը կամ մեկ այլ բան:

Բարկացել էի: Ի վերջո ես հպարտություն ունեի: Եվ ինչո՞ւ իմ «Intrigue»-ն «չաշխատեց»: Մի գուցե քիչ էի օգտագործել նույնիսկ նման փորձառու հոտառություն ունեցողի համար:

Ես որոշեցի էլի օգտագործել դրանից, գուցե դա օգնե...

Ես փնտրեցի իմ պայուսակում, բայց չգտա: Կարողացա գտնել գործարանում

պատրաստված այն «մրգային տորթով» օժանդակքի սրվակը: Ինձ համար արդեն

միևնույն էր և ես օգտագործեցի այն: Շշի կեսը լցրեցի վրաս այնուհետև դուրս եկա:

Երբ ես հետ էի գնում դեպի մեր սեղան ես գրեթե բախվեցի այն մատուցողին, ով

սպասարկում էր մեզ: Նա կանգ առավ և հիմար հայացքով ինձ նայեց: Հետո հիշելով

իր աշխատանքի մասին շարունակեց քայլել և կպավ մի սեղանի, որի վրա տորթեր

կային: Երբ ես վերջապես սեղանի մոտ հասա միստր Էյմոսը շփոթված էր, կարծես չէր ուզում, որ իրեն տեսնեն ինձ հետ: Ես հասկացա, որ նա փորձում էր թաքցնել դա: Հանկարծ մի տարօրինակ բան տեղի ունեցավ: Նա բացեց բերանը կարծես թե ուզում էր խոսել, բայց հանկարծ լռեց: Նա զգաց իմ մրգային տորթով պատրաստված օծանելիքի հոտը և փոփոխությունը, որը կատարվեց նրա հետ այնհայտ էր: Նրա շփոթված տեսքը հողս ցնդեց: Նա նման ոսկոր գտած մի շան: Նրա աչքերը փայլում էին և նա այնպես ժպտաց, որ ինձ թվաց, թե նրա դեմքը երկու մասի կբաժանվի: Նա ոտքի կանգնեց:

- Վերջապես դու վերադարձար, ես կարոտել էի քեզ, Աննա: Կարծես՝ ես մի սոսկալի երազի մեջ էի և հենց նոր արթնացա:

- Երա՞զ, միստր Էյմոս,- հարցրեցի ես չհասկանալով, թե ինչի մասին է խոսում:

- Ինձ Դեյվիդ ասա, սիրելիս,-ասաց նա:

«Սիրելի՛ս: Ի՞նչ նկատի ունե՞ր նա: Ի՞նչ է կատարվում»:

-Այո,- շարունակեց նա,- Այդ երազում տեսա, որ ես քեզ վերաբերում էի այնպես, կարծես դու պարզապես իմ աշխատողը լինեիր: Իրականում՝ դու ինձ համար ավելին ես քան սոսկ աշխատողը:

«Հետաքրքիր է, ինչ նկատի ունե՞ր: Արդյո՞ք ք նա պատրաստվում էր իմ աշխատավարձը բարձրացնել»:

Նա շարունակեց.

- Դու պետք է հասկանաս, որ ես խենթանում եմ քեզ համար, սիրելիս:

Նա նորից ինձ «սիրելիս» անվանեց: Եվ նա լուրջ էր խոսում:

Պետք է ասեմ, որ այս դեպքում ես էի շփոթված: Հինգ րոպե առաջ իմ տնօրենը չէր ուզում, որ իրեն տեսնեին ինձ հետ, իսկ հիմա ասում է, որ խենթանում է ինձ համար: Ի՞նչը կարող է ստիպել նրան այսպես վարվել: Հանկարծ ես ամեն ինչ հասկացա: Դա իմ մրգային օծանելիքն էր: Մի գուցե «Intrigue»-ն շատ լավ էր բուրում, բայց այն կնոջը գրավիչ չէր դարձնում տղամարդու համար, ինչը չէր կարելի ասել իմ մրգային տորթով օծանելիքի մասին:

- Ես զգում եմ, ինչպես է ամեն վայրկյան իմ սիրտը սիրով լցվում, Աննա,- ասաց Էյմոսը նայելով իմ սև զգեստով ծածկված մարմնին:

Այդ պահին մի մատուցողուհի մոտեցավ մեր սեղանին և ասաց, որ ինձ զանգում են ավելացնելով, որ զանգին պատասխանեմ նախասրահում:

Ես մտածում էի, թե ինչ առիթով այն կարող է լինել:

- Կներես, Դեյվիդ, երկար չի տևի,- ասացի ես:

- Մեկ րոպեն էլ երկար ժամանակ է, երբ դու կողքիս չես, Աննա, - ասաց նա:

Նրա խոսքերը նման էին մի վատ ֆիլմում հնչող խոսակցության: Բայց ես չասացի այդ մասին. վերջ ի վերջո նա իմ տնօրենն էր, նույնիսկ, եթե այդ պահին խենթացել էր: Երբ ես նախասրահ հասա, վերցրի հեռախոսը: Նկատեցի, որ ինչ-որ մեկը, այդ ընդարձակ սենյակում՝ մյուս հեռախոսի մոտից ինձ ձեռքով է անում: Ես նկատեցի, որ դա կրկին այն մատուցողն էր՝ ամբողջ տաբատը տորթի կտորներով կեղտոտված:

Հիմա ի՞նչ էր ուզում ինձանից:

Շուտով պարզեցի:

-Միսս...,- հեռախոսագծի մյուս կողմում նա հուզված էր, - Գիտեմ՝ ես միայն մի խղճուկ մատուցող եմ, բայց սերը ինձ քաջ դարձրեց...

«Այս գիշեր ինչու՞ են բոլորը վատ ֆիլմերի հերոսների նման խոսում»:

-Երբ քիչ առաջ տեսա Ձեզ,- ասաց մատուցողը, - Չկարողացա կառավարել իմ սերը Ձեր նկատմամբ: Դուք շատ գեղեցիկ եք: Խնդրում եմ՝ ասեք ինձ, որ կտեսնվեք ինձ հետ... Գիտեմ՝ ես կարող եմ Ձեզ ավելին տալ, քան այդ հարուստ հիմարը, ում հետ Դուք նստած էիք: Միգուցե ես չունեմ իր փողերը կամ տեսքը, բայց ես սիրում եմ Ձեզ շատ ավելի, քան նա երբևէ կարող է սիրել: Խնդրում եմ, իմը եղեք:

-Սպասիր մի րոպե, Ռոմեո, -ասացի ես, - Ինչու՞ պարզապես չես հանգստանում և մատուցում ծովախեցգետինը՝ մի լավ մատուցողի պես:

Դա օձանելիքն էր, կրկին իմ «Յուրահատուկ մրգային տորթը»: Մատուցողը լավ հոտ էր առել կողքովս անցնելիս, և այժմ կարծում էր, թե սիրահարվել է ինձ... Խեղճ տղա...

Դա նրա մեղքը չէր: Ես նրան ասացի, որ եթե նա անգամ ինձ սիրում է, չբարձրաձայնի այդ մասին:

- Իհարկե, իմ սեր: Ես չեմ ամաչեցնի քեզ... սիրելիս, - ասաց մատուցողը:

Առայժմ մի երեկոյի ընթացքում երկու մարդ ինձ «սիրելիս» անվանեցին: Մորաքույր Միմին գոհ կլիներ:

Բայց եթե օձանելիքը այդպես «աշխատեց», ես ավելի լավ է փորձեմ ուրիշ տղամարդկանց կողքով շատ մոտիկ չանցնել: Վերջում հնարավոր է, որ մի խումբ տղամարդիկ ուղեկցեն ինձ մինչև տուն՝ ասելով, թե սիրում են ինձ: Եվ արդյո՞ք դա սարսափելի չի լինի: Դե... Չի՞ լինի:

Գուցե ոչ, բայց հեշտ չի լինի այդ ամենը մայրիկին բացատրելը: Եվ ես դրա մասին չեմ էլ խոսի մորաքույր Միմիի մոտ:

Բարեբախտաբար, այդ գիշեր տեղը հանգիստ էր: Ես քայլեցի դեպի սեղանը՝ փորձելով հետ պահել ինձ ռեստորանում գտնվող այլ տղամարդկանցից: Ես բախտավոր էի՝ թվում էր, թե նրանք պետք է մոտ լինեին օձանելիքին, որ այն ազդեցություն գործեր:

Երբ ես վերադարձա սեղանի մոտ, ես տեսա, որ Դեյվիդը նստած էր Սաբինայի՝ գեղեցիկ, երիտասարդ մոդելի հետ, ով նրա նախկին ընկերուհին էր. Վերջերս նրանց նկարները բոլոր թերթերում կային:

- Այսպիսով, դու Աննան ես: Նախկինում քեզ չեմ հանդիպել, Աննա:

Սաբինան այնպես ասաց իմ անունը, կարծես դա մի կեղտոտ բառ էր:

-Դու Դեյվիդի մոտ չէի՞ր աշխատում՝ որպես օձանելիք պատրաստող կամ ինչ-որ նման բան: Ահավոր հետաքրքիր է:

Նա իր ձեռքը մեկնեց ինձ, կարծես ես պետք է համբուրեի այն: Ես չարեցի դա:

-Սաբինա, - ասաց Դեյվիդը, - Աննան այն կինն է, ում ես սիրում եմ:

Ես չէի հավատում իմ ականջներին: Դեյվիդը Էյմուսը ասում էր, որ սիրում է ինձ՝ ուղիղ իր գեղեցկուհի ընկերուհու՝ Սաբինայի, քթի տակ: Եվ այս ամենն իմ մրգային տորթի պատճառով է: Ես պետք է ինչ-որ բան ասեի: Սա հիմարության է վերածվում:

-Դեյվիդ, ես իսկապես կարծում եմ...- սկսեցի ես:

Բայց այդ ժամանակ մեր մատուցողը լրիվ կերպարանափոխված հայտնվեց: Նա կիթառ էր նվագում ու ինձ համար երգում էր «O Sole Mio»-ն, որքան հնարավոր է բարձր ձայնով: Նա ասել էր, որ բարձրաձայն չի խոսի այդ մասին, իսկ ես ոչինչ չէի ասել բարձրաձայն երգելու մասին: Մյուս անգամ հաշվի կառնեմ:

Ինչ վերաբերում է Սաբինային, նա չգիտեր՝ ծիծաղեր, թե լաց լիներ այն երկու տղամարդկանց մոտ, ովքեր իր ներկայությամբ միևնույն ժամանակ ասացին, թե ինչքան են սիրում ինձ:

Այսպիսով նա ապտակեց Դեյվիդին:

Մատուցողը երգում էր նույնիսկ ավելի բարձր, քան առաջ: Դեյվիդը հարվածեց նրա կզակին: Երբ ես հեռացա սեղանից, կռիվ սկսվեց Սաբինայի, Դեյվիդի, երգող մատուցողի և մի քանի այլ մատուցողների միջև, ովքեր փորձում էին հանգստացնել այդ երեքին:

Շուտով այդ վայրը վերածվեց տորթի, ծովախեցգետնի կտորների, գինիների լողավազանների և կոտրված կիթառի կտորների շփոթի:

«Գնալու ժամանակն է», - մտածեցի ես:

Ես վազեցի ցած և տաքսի վարձեցի տուն գնալու համար: Փառք աստծո, տաքսու վարորդը կին էր:

* * *

Երբ տուն հասա, մորաքույր Միմին գնացել էր, իսկ մայրիկը քնած էր: Նա երբեք չի կարողանում արթուն մնալ, երբ հուզված է: Ես մի ժամանակ ունեցա կատարվածը հասկանալու համար: Ինչու՞ իմ օձանելիքը թողեց այդպիսի ազդեցություն այն տղամարդկանց վրա, ովքեր սովորաբար ինձ վրա ուշադրություն չեն դարձնում: Ոչ մի արտասովոր բան չկար դրա բաղադրության մեջ: Ոչինչ, բացի մորաքույր Միմիի մրգային տորթից:

Ի՞նչ մրգային տորթ է:

Հետո ես մի միտք հղացա: Ի՞նչ կլինի, եթե ես՝ որպես քիմիկոս, պարզեմ, թե ինչ կար այդ մրգային տորթի մեջ, որը ստիպեց տղամարդկանց խելագարվել սիրուց: Մարդիկ շատ կվճարեն այդպիսի մի բանի մասին շատ բան իմանալու համար: Ես կարող եմ շատ գումար վաստակել: Անպատճառ, եկեք մտածենք այն մասին, թե ինչու ես պետք է թողնեմ, որ Amos Cosmetics-ը իմանա այդ մասին: Վերջ ի վերջո, դա նրանց մրգային տորթը չէր: Բայց ես ոչինչ չէի կարող անել, մինչև չիմանայի, թե ինչ կար այդ թխվածքի մեջ, որի բաղադրությունը միայն մորաքույր Միմին գիտեր:

Ես որոշեցի հաջորդ օրը բացակայել աշխատանքից: Կասեմ, թե ես մրսել եմ, կամ նման մի բան: Ես նաև ուզում էի փախչել Դեյվիդ Էյմոսից, ով միգուցե դեռ յուրահաստուկ մրգային տորթի, կամ դրան հետևած կռվի ազդեցության տակ լիներ:

* * *

Մորաքույր Միմին ապրում էր մի գեղեցիկ, փոքրիկ բնակարանում, քաղաքի մյուս ծայրին: Ես տանից դուրս եկա մինչև մայրիկի վեր կենալը: Չէի ուզում, որ ինձ

հարցուփորձ անեին իմ նոր, երիտասարդ տղամարդու մասին: Այնտեղ հասնելը մեկ ժամ տևեց ավտոբուսով:

Երբ վերջապես ես ժամանեցի, մորաքույր Միմին ինձ ջերմորեն ընդունեց: Շուտով մենք նստեցինք նրա խոհանոցում սկսեցինք խոսել սրանից-նրանից: Մենք երկուսս էլ գիտեինք, թե մորաքույր Միմին ինչ էր հարցնելու վերջում, այսպիսով մեզանից ոչ ոք դեմ չէր սկզբում ուրիշ թեմաներից խոսելուն: Մորաքույր Միմին լավ ընկեր էր, երբ չէր խոսում տղամարդկանցից:

Ես հիշեցրի մրգային տորթի մասին:

-Աննա, -ասաց մորաքույր Միմին, - Ես քեզ ճանաչում եմ ծնվածդ օրվանից, և դու երբեք տորթ չես պատրաստել: Հիմա դու ուզում ես իմանալ՝ ինչպե՞ս պատրաստել մրգային տորթ: Ի՞նչ է կատարվում:

-Ոչինչ, մորաքույր Միմի, ես պարզապես կարծում եմ, որ տորթը համեղ էր և ցանկացա թխել: Վատ բան չկա դրա մեջ, չե՞:

Իհարկե, ես ստում էի: Երկուսս էլ գիտեինք:

-Այսպիսով,-ասաց մորաքույր Միմին, - Քո այդ նոր տղամարդը, ցանկանում է, որ իր համար տորթ պատրաստես: Նա ի՞նչ է կարծում՝ ո՞վ էս դու, նրա մա՞յրը: Անցած երեկո ի՞նչ էիք անում դուք երկուսդ, խոհարարության դա՞ս էիք անցկացնում:

-Օհ, խնդրում եմ, մորաքույր Միմի, - ես աղաչեցի,- ինձ իսկապես անհրաժեշտ է իմանալ դրա բաղադրությունը: Խոստանում եմ, որ երբ դու ասես ինձ, ես էլ քեզ կպատմեմ ամեն ինչ անցած երեկոյի մասին:

Մորաքույր Միմին հետաքրքրվեց.

-Ամեն ի՞նչ:

-Ամեն ինչ,-ասացի ես, -ոչ մի գաղտնիք:

Մորաքույր Միմին ժպտաց:

-Լավ, սիրելիս, ես չեի ցանկանում քեզ ասել սա, բայց ես չեի պատրաստել տորթը: Ես գնել էի այն:

-Դու գնե՞լ էիր այն,- ասացի ես՝ չկարողանալով թաքցնել զարմանքս,- Որտեղի՞ց էիր գնել:

-Շուկայում մի փոքրիկ, բացօթյա կրպակից, մեկից, ով այգում շաբաթը երկու անգամ է լինում: Մի ծեր կին կար այնտեղ, ով ասաց, որ պատրաստել է դրանք իր ամուսինների համար: Նա յոթն է ունեցել, կհավատա՞ս: Եվ նրանք բոլորը կերել են այդ մրգային տորթերը:

Ես, անշուշտ, չզարմացա, որ նա յոթ ամուսին է ունեցել: Ոչ այդ մրգային տորթերի պատճառով:

-Նա ասա՞ց քեզ, թե ինչ է լցրել մեջը,- ես հույսով հարցրի:

-Միայն, որ նա դրել է «ինչ-որ յուրահատուկ բան», որը նա ինքն է աճեցրել, - ասաց մորաքույր Միմին,- Նա չասաց, թե ինչ է դա: Նա ասաց ինձ, որ նա մի քանի անգամ է թխել այդպիսի տորթեր: Ըստ էության, նա իմացավ, որ ես մտածում էի քեզ ամուսին գտնելու մասին: Ես չգիտեմ, թե ինչպես, բայց նա իմացավ:

Համենայն դեպս այս կինը, ով պատրաստել էր տորթը, ասաց ինձ, որ դա քեզ տամ, և

քո բոլոր խնդիրները կլուծվեն: Ես չէի հավատում նրա ասածներին, բայց ես գնեցի մրգային տորթերը, որովհետև դրանք համեղ էին:

Ես նկատեցի, որ մորաքույր Միմին այնպես էր խոսում այդ ծեր կնոջ մասին, կարծես թե նա այլևս մոտ չէ: Ես վախենում էի ամենավատից: Նա մահացել էր:

-Մենք կարո՞ղ ենք տեսնել այդ ծեր կնոջը նրան այդ մասին հարցնելու համար,- հարցրի ես:

Մորաքույր Միմին տխուր ինձ նայեց:

- Նա մահացել է անցած շաբաթ: Ես գնացել էի նրա հուղարկավորությանը: Ասում են, թե նա եղել է ավելի քան հարյուր տարեկան: Կային բազմաթիվ օտար մարդիկ այնտեղ, ոչ այստեղից, բոլորը խոսում էին ինչ-որ տարօրինակ ձևով: Նրանք կարծես, թե մտածում էին, որ նա կարևոր էր, չնայած՝ նրան այստեղ ոչ ոք ուշադրություն չէր դարձնում:

- Բացի քեզնից, մորաքույր Միմի, - ասացի ես:

Մորաքույր Միմին ժպտաց:

-Դե, դու գիտես, թե ինչպես ես չեմ կարողանում զբաղվել իմ գործերով:

Ես գիտեի:

-Հիմա քո հերթն է,- ասաց նա՝ մոտենալով ինձ,:

-Ի՞նչ հերթը,- հարցրեցի ես:

-Պատմելու ես ինձ այն ամենի մասին, ինչ կատարվեց անցյալ գիշեր, - ասաց նա:

Եվ այսպիսով ես պատմեցի: Ամեն ինչ, ինչպես որ խոստացել էի: Ես չգիտեմ՝ մորաքույր Միմին հավատաց ինձ, թե ոչ, բայց եթե նույնիսկ չհավատա, նա երբեք դա ցույց չի տա: Վատ, ծեր կին չէ իմ մորաքույր Միմին: Ամեննին ոչ, եթե դու ճանաչում ես նրան:

* * *

Ի վերջո, ես ստիպված էի երկու օր աշխատանքից բացակայել: Ես ասել էի, թե հիվանդ եմ, և այսպիսով ես ինձ լավ չէի զգա, մինչև չիմանայի ճշմարտությունը այդ մրգային տորթի մասին: Ես գիտեի, որ մի փոքր հնարավորություն կար բացահայտելու, թե իրականում ինչ կար դրա բաղադրության մեջ: Ես պետք է գտնեի դա՝ վերցնելով շշի մեջ թողած մնացորդը: Ես ծախսեցի ավելի շատ, քան հաշվարկել էի անցյալ գիշեր: Բայց ես վստահ չէի, որ ուզում եմ ծեր կնոջ գաղտնիքը ճակատագիրս դարձնել:

Միգուցե ճիշտ էր, որ գաղտնիքը թաղվել էր նրա հետ: Մյուս կողմից էլ, գուցե սխալ էր: Մայրիկը գոհ էր թվում իմ այն բացատրությունից, թե իմ ու պարոն Էյմոսի գործերը ուղղակի չեն ստացվում, չնայած նա կարծում էր, որ դա բաց թողնված հնարավորություն էր: Նա ցանկանում էր, որ ես հարուստ ամուսին ունենամ: -----

-Այնուամենայնիվ, երջանկությունը այն է, ինչ հաշվվում է,- ասում էր նա՝ իր ձայնին տիրության նոտա հաղորդելով:

Երբ ես վերջապես վերադարձա գործարան, իմ սեղանի վրա հաղորդագրություն էր թողնված՝ պետք է տեսնեի պարոն Էյմոսին հնարավորինս շուտ: Դեպի Դեյվիդ Էյմոսի

գրասենյակը քայլելիս, ես ինձ զգում էի ինչպես մի դպրոցական աղջնակ, ով ստիպված է գնալ տնօրենի մոտ: Ես վստահ էի, որ յուրահատուկ մրգային տորթը մինչև հիմա չի «աշխատի», վերջ ի վերջո նա ինձ մի քանի օր չի տեսել: Ես թակեցի նրա դուռը:

Պարոն Էյմուրը նստած էր իր մեծ սեղանի մոտ՝ աչքի տակ մի մեծ կապտուկ: Նրա կողքին նստած ժպտացողը, ով սև ակնոցներ ու գլխարկ էր դրել, Սաբինան էր: Նա ձեռքը դրել էր Սաբինայի ուսին:

-Հուսով եմ՝ արդեն լավ ես, Աննա, - ասաց պարոն Էյմուրը:

-Այո, շնորհակալություն, պարոն Էյմու, - ասացի ես (կարծեցի, որ նրան Դեյվիդ անվանելը այդ պահին ամենալավ բանը չէր կարող լինել): Ես տեսա, որ Սաբինան ուրախ չէր ինձ տեսնելու համար:

-Հուսով եմ դուք էլ եք լավ, - արագորեն ավելացրի ես:

-Աչքս մի փոքր ցավում է, ձեր մատուցողը ուժեղ է հարվածել, - քմծիծաղով ասաց նա: «Այդպես կարող էր անել նաև Սաբինան», - մտածեցի ես, հիշելով, թե ինչպես նա հարվածեց Էյմոսին: Բայց ես ոչինչ չասացի:

-Համենայն դեպս, - ասաց պարոն Էյմուրը, - ես կարողացա նրանց հանգստացնել, այնպես որ էլ ոչ մի խնդիր չլինի, և ուստիկանություն չկանչեք: Ձեր մատուցողը մասամբ նույնպես մեղավոր էր, այսպիսով նրանք, իհարկե մեծ գնով, ընդունեցին իմ ափսոսանքը: Համենայն դեպս, Amos Cosmetics-ի անունը չհայտնվեց թերթերում:

-Իսկ որպես ձեր նկատմամբ իմ ունեցած տարօրինակ պահվածքի պատճառ, ես չեմ կարող բացատրել ինչն է ինձ վրա ազդեցություն թողել: Ես նկատի ունեմ՝ ինձ պես տղամարդ... և կին...նկատի ունեմ...,- նա նայեց Սաբինային:

Սաբինան ավարտեց այն նրա խոսքը:

-Նա նկատի ունի, որ իր պես մի հարուստ ու վայելչակազմ տղամարդը չի կարող սիրահարվել Ձեզ նման մեկին, երբ նա ինձ պես գեղեցիկ ընկերուհի ունի: Ճիշտ չէ՞, Դեյվիդ:

- Դու դա շատ լավ բացատրեցիր, սիրելիս, - ասաց նա:

Սաբինան շարունակեց.

-Այսպիսով Դեյվիդը առաջարկում է Ձեզ ընդունել մի փոքրիկ գումար՝ լրացնելու համար բոլոր այն հիասթափությունները, որոնք դուք, միգուցե, ունեցել եք: Եվ հետո՝ Դուք կարող եք վերադառնալ գործարան՝ կրկին օժանելիք պատրաստելու: Ճիշտ չէ՞, Դեյվիդ:

- Անշուշտ, սիրելիս, - ասաց պարոն Էյմուրը՝ մինչ կրկին դեպի ինձ շրջվելը, - դե, Աննա, հուսով եմ՝ դա կօգնի...ը... Կօգնի մի փոքր հստակեցնելու կատարվածը: Կներես, որ եղավ այս...ը...Խառնաշփոթը: Հուսով եմ՝ դա կդասավորի մեր իրար հետ կապված գործերը:

Ես կանգնած հետևում էի, թե ինչպես է Սաբինան ժպտում ձեռքը իր մանյակին դնելիս:

-Լավ, պարոն Դեյվիդ Էյմու, - ասացի ես, - գուցե Դուք կարողանաք օգտագործել Ձեր հայտնի փորձառու քիթը՝ սա տեսակավորելու համար:

Ինչ-որ բան ցանելու համար ես ձեռքս տարա պայուսակս, և տեսա, թե ինչպես էր Սաբինան ծիծաղում: Ես բռնեցի գտնված առաջին օժանելիքի վերևի մասից, և Սաբինայի հագուստի վրա ցանեցի ամբողջը, ինչ կար շշի մեջ:

-Վերցրու սա և նրան նույնպես, դո՛ւ փոքրիկ, սարսափելի կին,- գոռացի ես:

- Երբ ես նայեցի ձեռքիս, այնտեղ կար «Յուրահատուկ մրգային տորթի» դատարկ սրվակ: Սենյակը սկսեց ամբողջովին բուրել այդ հոտով: Ես դուրս եկա, դուրս գրասենյակից և դուրս իմ կարիերայից Amos Cosmetics-ում, իսկ պարոն Էյմոսը կրկին կորցրեց իր վերահսկողությունը:

Սաբինան, իհարկե, այժմ կվայելի ամբողջ լրացուցիչ ուշադրությունը, որ նա կստանա օտար տղամարդկանցից, ի շնորհիվ յուրահատուկ մրգային տորթի: Չնայած վստահ չեմ, որ Դեյվիդ Էյմոսը կվայելի մրցակցությունը:

* * *

Դա պատահեց որոշ ժամանակ անց, «Intrigue» օժանելիքի գործարանում աշխատանքի տեղավորվելուց անմիջապես հետո: Ես փորձում էի պատրաստել մրգային տորթ (ես նկատի ունեմ՝ դուք երբեք չեք իմանա), երբ մայրիկն ու ես լսեցինք դռան թակոցը:

-Մայրիկ, - ասացի ես,- եթե դա մորաքույր Միմին է՝ իր ուրիշ կատարյալ տղամարդու մասին լուրերով, ասա նրան, որ դա ինձ չի հետաքրքրում:

- Մորաքույր Միմին չէ, սիրելիս, - ասաց մայրիկը:

-Ո՞վ է,- ես հարցրեցի:

- Ես կարծում եմ՝ ավելի լավ է դու ինքդ գաս տեսնես,- մայրիկն ասաց:

Ես գնացի մուտքի դռան մոտ: Դա Արմսթրոնգն էր՝ պիցցա առաքող տղան: Նա իր ձեռքերում բռնել էր մի պիցցայի տուփ, որի վրա մեծ տառերով գրված էր՝ «Արմսթրոնգի դեղձով պիցցաներ»:

Արմսթրոնգը այժմ ղեկավարում էր պիցցայի ընկերությունը:

Նա բացատրեց, որ սիրահարվել է ինձ, երբ առաջին անգամ մեզ պիցցա է առաքել, բայց նա ցանկացել է, մինչ ինձ այդ մասին ասելը, հաջողության հասնել: Նա ասաց, որ ես ոչ պակաս արժանի եմ: Հետո նա ինձ ծաղիկներ տվեց: Ես երբևէ չէի նկատել, բայց Արմսթրոնգը բավականին գեղեցիկ է՝ մի գուցե մի փոքր կարճահասակ է, մի քիչ նիհար, բայց ոչ ոք կատարյալ չէ:

-Մայրիկ, տղային խմելու մի բան բեր, - ասացի ես՝ վայելելով նրա ժպիտը:

Եվ մրգային տորթի բուրմունքը մնաց մեր ետևում՝ դռնից դուրս: